

Pitsaassutsimut, avatangiisinut suliffimmilu avatangiisinut politikki

Pitsaasumik sullissisartutut, sungiussiasutut, ikiuukkumatuutut suleqatigiuminartutullu kiisalu sullissinissap isumaqatigiissutaasup imaluunniit piffissap, amerlassutsit, annertussutsit akillu isumaqatigiissutaasut iluanni tunniussisartutut sullissatta ilisarimassavaatigut.

Aaqqissuussaasumik ataqatigiissakkamillu pissuseqarnitsigut, oqartussaasut piumasaat inatsisillu atuuttut naapertorlugit, sullissinitsinni nioqqutinilu pitsaassuseq qaffasissutsimigut assigiiaartoq Sikukimi qulakkiissavarput.

Sikukimi siullermeernermermi eqqortumik sulinissaq anguniartuaannarparput. Nioqqutissat, suleriutsit ingerlaatsillu pitsanngorsarnissaannut siunnersuuteqartarneq Sikukimi sulisunit tunniusimaffigineqartarpoq, taamaalilluni pitsaassutsip, avatangiisitta sulinermilu avatangiisit aammalu sullitat sullinneqarnikkut misigisaat ataavartumik pitsanngorsarneqartarlutik.

Sikukimi ineriartorusuppugut pitsaanerorusullutalu. Taamaattumik pitsaassutsikkut, avatangiisikkut suliffimmilu avatangiisinik aqutsinikkut uuttuutunik arlalinnik pilersitsinikuuvugut, taamaalilluta ataavartumik nalilersuisinnaalissalluta.

Sikukimi isumannaatsumik peqqinnartumillu suliffimmi avatangiiseqarnissarput pingaartittorujussuuarput. Suliffitta ulorianartuusinnaanera ilisimaaraarput, tamannalu ulluinnarni sulinitsinni aallavigiuaannarlugu. Aammattaaq pisiortorfitta, sullitatta ingerlatsisullu allat umiarsualiveqarfitsinnik atuisut taamaaliortarnissaat naatsorsuutigaarput.

Siusinaarluta sulisunik peqataatitsisarnitsigut, siunnersorneqartarnitsigut kiisalu sissuertarnitsigut malittarinnittarnitsigullu, sulitilluni ajoqusersinnaanerit napparsimalersinnaanerillu pinaveersaartittarpagut.

Avatangiiserput illersugaarput umiarsualiveqarfiullu imartaani mingutsitseratarsinnaanissaq pinaveersaartillugu.